

bedeut vil wassers. Wirt ein Regenbogen gesehen bey  
nidergang der Sonnenn / bedeutet donner / vnd regnet  
leychlich. Item wirt ein Regenbogen inn Orient geses  
hen / bedeutet schön wetter. Erscheint er aber mit dem  
winterlichen lufft inn Septentrion / bedeutet auch schön  
wetter / vnd klar / so er wider sins stehet / wenn er aber  
recht stehet / vnd scheint mit dem sommerlichem lufft  
inn Occident oder Mittag / bedeutet regen. Daly spricht  
weñ ein Regenbogen zu schönen vnd klaren zeyten er  
scheint / bedeutet er merung des wässerigen rauchs / vñ im  
winter minderung.

### Von den donnern vnd blixen.

**W**enñ inn den zeiten des winters / die weil die son  
im Stainbock vnd Wasserman ist / nemlich  
vonn Lucie bis auff den zehenden tag Januarij /  
donner gehört werden / so wirt der anfang des Lentzen  
vnd auch das ganz jar mer windig / dann andere jar.  
Item weñ es im sommer mer donnert dan blixet / oder  
mer blixet dan es donnert / so wirt ein grosser windt vñ  
dem theil / do das donner oder blixen her geht. Merck /  
weñ es allain vñ anfang donnert / so wirt es den nechste  
tag regnen. Donnert es vonn Septentrion / so wirt ein  
windt. Weñ es morgens frñ donnert / bedeutet windt vnd  
regen von Mittag herkommende.

Wie das wetter zu erkennē sey durch die  
vier Quartē des jars / als Liechtēberger setzt.

**D**em wie sich das wetter helt auff den tag / vor  
vnd nach / so die Son in Wider gehet / also wirt  
es sich